



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæstio 1. Vtrùm intellectus creatus clarè, & intuitiuè videre possit: aut
etiam de facto videat Deum, sicuti est.

[urn:nbn:de:hbz:466:1-76990](#)

TRACTATVS VIII.

DE VERITATE

OBIECTIVA DEI. DE QVE EIVS cognoscibilitate intuitiuā, siue per propriam speciem. Atque adeo de Visione beatificā.



INTER attributa, quæ transcendunt diuinam substantiam, omnesque ipsius formalitates, vt sunt Immensitas, Aeternitas, Vnitas, Infinitudo, Bonitas, &c. suū sibi vendicat locum Veritas obiectua. De qua proinde, postquam iam egimus de alijs, sequebatur agendum. Ceterū, quia Veritas obiectua Dei formaliter sumpta, quo pacto inter alia ipsius attributa connumeranda venit, in conformitate Dei cū sui cognitione, aut in ipsius cognoscibilitate per cognitionem veram consistit. De cāque sub isto conceptu nihil speciale dicendum restat, præter ea, quæ generatim diximus in Pharo Scient. disp. 3. q. 7. de veritate obiectiuā entis; & facile ab unoquoque possunt Veritati obiectiuā Dei applicari: dumtaxat superest, vt impræsentiarū tractemus de cognitione, qua Deus cognoscibilis est; & à qua habet denominationem veri obiectuē: non quidem de cognitione, qua Deus est cognoscibilis à se ipso; nam de hac agendum est infra in tractatu de Scientiā Dei: nec de cognitione, qua est cognoscibilis à creatura abstractiuē, per alienas species, & aliter, quam est in se; nam de hac satis diximus supra disp. 1. remittentes nos ad multō plura dicta de illā sub vniuersaliōri conceptu in Pharo nostrā Scient. sere per totam: sed de cognitione, qua cognoscibilis est intuitiuē, per propriam speciem, & sicuti est in se. De qua proinde Dei cognitione, quæ potissimum visio Dei intuitiuā dicitur, totus Tractatus præsens erit. Quem maioris distinctionis gratiā in quinque diuidemus disputationes. Quarum prima, & secundūm totius operis ordinem 17. de naturā, possibiliitate, & existentiā Visionis intuitiuā Dei erit. Secunda de supernaturalitate eius. Tertia de principijs. Quarta de obiecto. Et quinta de eiusdem proprietatibus, siue passionibus. Quibus insuper sextam quasi appendicem adiiciemus de Nominibus Dei.



DISPUTATIO XVII.

De naturā, possibiliitate, & existentiā
Visionis intuitiuā Dei.

IN hac disputatione de essentiā, possibiliitate, & existentiā Visionis intuitiuā Dei agemus potissimum. Ut tamen vniuersaliū procedamus, de essentiā itidem, & possibiliitate cuiusvis alterius cognitionis Dei à creaturā habiti per speciem propriam in vniuersū disserimus.

491

492

QVAESTIO I.

*Virūm intellectus creatus clarè, & intuitiuē
videre possit; aut etiam de facto vi-
deat Deum, scuti est.*

Videret, si primā vocis impositionem sp̄ctes, actum significat, quo oculi percipiunt suum obiectum. Vnde Deus oculis corporeis videri dicitur, cū in specie, siue figurā corporeā visibilique apparet, vt Genes. 18. & 32. Exod. 3. Num. 12. Ezech. 1. 6. & 10. Daniel. 7. Iſai. 6. &c. De qua visione latē Aug. lib. 2. de Trin. cap. 8. epif. 111. & 112. & Greg. lib. 18. Moral. cap. 36. Ceterū, quia cognitio capt̄a per oculos clarissima est omnium, quas experimut pr̄ hoc statu: idcirco verbum *videre* ad quālibet cognitionem claram, seu evidentem significandam translatum est. Quo iure dicitur Sap. 13. *A magnitudine*

dine speciei, & creature poterit Creator borum videri. Et Iob. 36. Omnes homines vident eum. Et Exod. 20. Cunctus populus videbat voces, &c. Imo inde etiam ad cognitiones obscuras solet extendi, iuxta illud Pauli 1. Corinth. 13. Videmus nunc per speculum, & in anigmate. Propriis tamen usurpatum pro cognitione magis ad simili visioni oculorum, qua videlicet intellectus obiectum suum, non in aliena similitudine, seu instar alterius, aut obscurè; (vti solet pro hoc statu); sed immediata, clarissimè, & sicuti in se est, intuetur, ad eum fere modum, quo oculi intuentur colorem; longè tamen perfectius. Quocirca huiusmodi cognitione, seu visio intuitiva vocari solet ad distinctionem aliarum, quas abstractius vocant; tamenne in hisce quidem vocabulorum usurpationibus deficiat inter Theologos controværia.

2. Gabriel enim q. 1. prologi art. 2. cui annunt Soar. lib. 3. de Anim. cap. 12. n. 5. & alij statim referendi, docet, notitiam quantumvis claram, immediatam, & per proprias species habitam, si præscindat ab obiecti existentiā, abstractiuam esse appellandam, non vero intuitivam. Plus tamen addit Scott. in 2. dist. 3. q. 9. & quodlib. 6. & 7. & sape alibi: adhoc, ut aliqua cognitio sit intuitiva, debere insuper attingere suum obiectum vt præsens; atque ita abstractiuam esse, non solum, qua ab existentiā, sed etiam, qua à præsentiā præscindit, quantumvis ea sit clara, immediata, & per proprias species. Scoto, præter Scottistas, contentiunt Egidius Lusit. tom. 2. de Beat. lib. 8. 2. p. q. 5. Salas 1. 2. q. 3. tract. 2. disp. 3. n. 32. & disp. 5. n. 30. Molina 1. p. q. 1. ar. 2. disp. 4. vbi ait, intuituam cognitionem esse rei præsens, vt præsens est; id est, qua suapte natura pendat à præsentiā obiecti; abstractiuam vero rei non, vt est præsens. Alij vero, è quibus est Vazq. 1. p. disp. 134. cap. 3. omnem cognitionem claram, immediatam, & per proprias species habitam intuituam censem esse appellandam; non abstractiuam, quantumvis à præsentiā, & ab existentiā obiecti præscindat. Addunt alij, quos refert, & sequitur Alarcon tract. 1. disp. 4. cap. 1. & 2. eti huiuscmodi cognitionis præscindat ex parte obiecti vnam formalitatem ab alia, tangendo vnam, & non aliam, intuituam nihilominus esse vocandam: solum enim esse dicendam abstractiuam, qua obscurè, & per alienam speciem in anigmate, sive in aliena similitudine tangit obiectum, vni nos pro præsenti statu solemus attingere.

3. Quæ autem cognitione dicenda sit quiditatua, etiam sub lite est. Nam Scotus, & alij cum eo nuper relati, quibus accedit Heric disp. 36. ante cap. 1. quiditatiam appellant omnem cognitionem, qua quiditatem, sive existentiam obiecti attingit; quantumvis abstractiuem attingat. Alij vero cum Soar. lib. 2. de Attrib. cap. 22. existimant, solam cognitionem intuituam totius existentia vocandam esse quiditatianam. Quod videtur S. Th. supponere, dum 1. p. q. 12. ar. 1. & q. 94. ar. 1. & sape alibi pro eodem usurpat, vide Deum per existentiam, hoc est, quiditatem, vt exponunt Caiet. & alij ac. Deum cognoscere, intuituē.

4. Quanquam autem omnia ista dissidia de modo loquendi sint, vt appareat; oportebit tamen, distinctionis gratia flatuere, quo pacto nobis loquendum sit. Certe, si analogia intuitionis corporalis, unde ad intellectualem nomen translatum est, exactè est obliteranda, sola cognitione

obiecti existentis, atque præsentis clara, immediata, & per proprias species concepta dicenda esset intuitiva; quia visio, qua intuentur oculi, talis est. Verum, quia ad distinguendam cognitionem per proprias species habitam ab ea, qua per alienas species fit, simplex vocabulum non habewus, non abs iure nomen intuitionis ad omnem cognitionem per proprias species habitam extendi solet. Similiter, si abstractionis etymologia cum rigore obliteranda esset, omnis cognitione præscindens, seu abstrahens quoquo modo ab aliqua seu formalitate, seu veritate, seu statu obiecti, quantumvis ea per species proprias haberetur, abstractiona dicenda esset. Quia tamen, huiusmodi abstractiones potissimum per cognitiones habitas per alienas species sunt, ad has solas contrahi solet nomen cognitionis abstractionia. Itaque ampliato nomine intuitionis, omnis cognitione obiecti habita per proprias species intuitiva; abstractionia vero ea sola, qua habetur per species alienas appellari solet communiter. Sicque proprieatè nos in hoc opere sape appellamus. Ceterum, quia cunctis cum quibus distinximus, morem gerere in loquendo necesse est; ne controværia rerum ad sola nomina traducantur, triplex genus cognitionum ad distinctius, cum opus fuerit, loquendum distinguere, non erit abs re. Ita, ut alia dicatur strictè intuitiva; ea scilicet quam Scotus, & sui intuituam vocant. Alia strictè abstractionia; qua habetur per alienas species. Alia late intuitiva, & late etiam abstractionia; qua cum sit clara, & immediata, & per proprias species habita, præscindit tamen à præsentiā, aut etiam ab existentiā obiecti. Porro ex his sola strictè intuitiva, loquendo propriè, dicitur apud omnes visio.

Obliterandum tamen propterè est, bifurciam posse cognitionem dici immediatam. Primo; quia est cognitione tangens obiectum, non in extranea similitudine, idolo, sive phantasmatè sensibili tanquam in quadam substituto, vni nos tangimus pro hoc statu cuncta, quorum non habemus proprias species, iuxta dicta in Pharo Scient. disp. 2. q. 3. sed in se ipso abque eiusmodi substituto. Secundo, quia est cognitione ad quam, non medium aliquod ab obiecto distinctum, sed obiectum ipsum per se determinat. Si ergo sermo sit de primo genere immediationis, omnis cognitione habita per proprias species est immediata, & omnis habita per alienas mediata, vt constat. Si vero de secundo, tam inter habitas per proprias, quam inter habitas per alienas alia immediata, alia mediate reperiuntur iuxta doctrinam tradendam latius in tract. de Scientiâ. In præsenti vero eam, qua utroque modo immediata est, videtur vocare plenique absolute immediata, sed semper nihilominus oportebit distinctionem hanc habere pro oculis.

Iam vero, si etymologia vocabuli sit cum rigore retinenda, omnis cognitione tangens obiectum quo adiugit est, sive prout in statu quiditatuo dicenda est quiditatia; sive sit habita per proprias, sive per alienas species. Sed vero, quia per species alienas, esti judicemus, quid res sit, pariter concipimus illam longe alteri, quam est reuerata: contentaneum rationi est, vt ea sola cognitione speciatim quiditatia nuncipetur, qua rei quiditatem, seu existentiam attingit clare, & per proprias species, sicuti est in se, sive strictè, sive late sit intuitua, iuxta distinctionem paulo ante traditam. Igitur, his ita positis, quod in præsenti

Q. Q. 2. quæ-

querimus est, an sit possibilis intellectui creato, in eo ve repetiatur de facto visio strix intuitiva, atque quiditativa Dei, sicuti est in se. Utrumque dicuntur communiter negasse olim Armeni, & Græci quidam recentiores ex Armacano lib. 14. qq. contra Armenos cap. 1. ex Castro verbo *Beatitudo*, Guido. Carmelita de hæresibus, & Præteolo verbo *Armeni*. Quem euandem errorem sequi dicuntur Abailardus, & socius eius Arnoldus Brixensis apud Castrum loco citato. Item Almaricus apud Præteolum supra, & apud Turcicrem, lib. 4. de Eccles. cap. 35. tamet' alij censeant, Armenos, & Abailardum dumtaxat negant existentiam, non item possibilitatem visionis. Quia de re videri potest noster Gualterus in Chronologâ pag. 550. errore 21. & pag. 658. error 25. & pag. 684. errore 24. Porro Henric. 1. p. Sum. art. 24. q. 1. Audorem facit erroris negantum possilitatem visionis Dei Ioanen Scotum. Benedictinum auditorem Bedæ, & commentatorem Dionysij de cœlesti Hierarchia. Quem immēritò Pamelius confundit cum Doctore subtili, ut notauit Genebrardus lib. 4. Chronologiz anno 879. Tritemius de scriptoribus Ecclesiast. & Sixtus Senens. lib. 4. Bib. verbo *Ioannes Scotus*.

Propositio vnica.

⁸ Veritas tamen catholica est, Deum à Beatis non solum posse, sed de facto etiam videri intuitiuè, & quiditatuè, sicuti est in se.

Constat enim id imprimis, ex sacra Scriptura dicente Matth. 5. *Beati mundo corde: quoniam ipsi Deum videbunt*. Matth. 18. *Angeli eorum semper vident faciem Patris mei, qui in celis est*. Ioan. 14. *Et manifestabo ei me ipsum*. 1. Corint. 13. *Videamus nunc per speculum, tunc autem facie ad faciem*. 1. Ioan. 3. *Sicutus, quoniam cùm apparuerit, similes ei erimus: quoniam videbimus eum, sicuti est*. Apocal. 22. *Et videbunt faciem eius, &c.* Quibus in locis aperte esse sermonem de clarâ, & intuitiuè visione Dei, communis est sententia Patrum, aliorumque Interpretum. De quo plora Bellarm. tom. 2. lib. 1. de Beat. Egid. Lufit. tom. 2. de Beat. lib. 12. q. 1. Iustinianus in locum Pauli relatum ex 1. Corin. 13. Vazq. 1. p. disp. 37. cap. 5. Herice disp. 36. cap. 1. & alij tuni Expositores ad loca Scriptura citata; tum Scholastici ad hanc questionem.

⁹ Constat secundum id ipsum ex Ecclesiæ definitione. Nam Evaristus Papa epist. 1. quæ habetur tom. 1. Concilium, distinet affirmat, Dei substantiam à Beatis intuitiuè videri. Quod colligit ex loco citato ex 1. epist. Ioan. dicens, *Sed cùm apparuerit, tunc vere illum videbit, sicuti est, qui eius conspectibus fuerit dignus coaptari: & non sicut Moses, ceterique Propheta per anigma, & figuram. Et Concilium Francofordiense, in epist. ad Episcopos Hispaniæ ait, *Prædicemus Christum unum Deum, & unum, & vere filium Dei, ut ad eius beatissimam visionem peruenire mereamur, in qua est eterna beatitudo*. In Extraganate etiam Benedictus, quam ad Verbum refert Castro verbo *Beatitudo* citato, & ante ipsum Bacchonus in fine lib. 4. Sentent. & Argent. in 4. dist. 49. q. 4. fine cum alijs, expresse dicit Pontifex Benedictus (non quidem undecimus, vt cum Castro, & alijs putarunt Vaz. 1. p. disp. 37. cap. 5. & Suar. lib. 2. de Attrib. cap. 7. sed duodecimus, vt te-*

nent. Valen. 1. p. q. 12. ar. 1. pun. 1. Mol. ibidem disp. 2. & Bellarm. tom. 2. lib. 1. de Beat. c. 2. cum alijs) expresse, inquam, dicit, animas beatas, videre diuinam essentiam immediatè, se bene, & clare, & aperte illis ostendentem. Quam visionem paulo post vocat intuituam, & facialem. Tandem, que contra tenentes oppositum mandat, ut procedatur, sicut contra hereticos. Denique Concilium Florentinum sess. vlt. in decreto de Purgatorio definit, animas intueri clare ipsum Deum trinum, & unum, sicuti est. Huc facit intuper cap. *Damnamus de Sum. Trinit. & fide cath. ad finem, ubi error Almarici reprobatur. Necnon Concilium Senonense, ubi damnatus Abailardus. Lege Bernard. epist. 187. Vnde, licet S. Th. dicta q. 12. ar. 1. solum dicat, priorem opinionem (Armenorum scilicet) inconvenienter defendi; tamen ibidem art. 2. merito eam vocat erroneam; & q. 8. de verit. art. 1. hereticam.*

Tertiò, eadem catholica veritas ex communi Patrum doctrina, qui eam expresse tenuerunt, perspicue confirmatur. Videantur speciatim Dionys. de cœlesti Hierarch. cap. 4. Orig. lib. 1. Patriarch. cap. 1. Irenæus lib. 18. cap. 58. Nazian. orat. 25. fine. Epiphan. hæresi 70. Nyssen. orat. 6. de Beatitudinibus. Martialis epist. ad Tholofanos cap. 27. Ambros. lib. 1. in Lucam ad illa verba, *Apparuit ei Angelus Domini*. August. copiosius de re agens epist. 6. 30. 111. 112. & 150. & lib. 4. de Genes. ad litt. cap. 23. & lib. 12. cap. 34. & lib. 14. de Trinit. cap. 8. & lib. 22. de Civit. cap. 29. Gregor. lib. 18. moral. cap. 36. & Bernard. ferm. 31. in Cantica. Nonnulla horum testimonia recitant Vazq. supra. Granad. 1. p. controu. 1. tract. 4. disp. 3. tec. 2. Fasol. 1. p. q. 12. art. 1. dubit. 3. 4. & 5. Mætæt. tom. 1. disp. 20. tec. 9. & Recupitus lib. 6. q. 1. cap. 2.

Quarto ratione theologica potest probari eadem veritas. Quia, ut suo loco ostendemus, beatitudo supernaturalis, ad quam Deus creaturas intellectuales enierunt, inadiquatè saltem consistit in clarâ visione ipsius Dei. Sed certum secundum fidem est, huiusmodi beatitudinem, non solum esse possibilem Angelis, & hominibus, sed etiam à multis eorum de facto obtineri. Ergo certum quoque esse debet, visionem claram Deum solum possibilem, tum existentem esse in multis Angelis, & hominibus. Vtrum autem eius possilitas ratione etiam naturali probari possit, & quæ efficacia, inferius disp. 18. examinandum est, ubi de arguento, quo eam probat S. Th. presumptum ab appetitu naturali visionis non nihil dicemus.

Ceterū contra statutam veritatem nonnulla opponuntur. Et primum loca ea Scriptura, in quibus Deus inuisibilis prædicatur. 1. ad Tim. 1. Regi autem faculorum immortali, inuisibili soli Deo honor, & gloria. Ad Hebræ 11. Inuisibilis enim tanquam vident sustinuit. (de Moyfe loquitur) Ioan. 1. & 1. Ioan. 1. Deum nemo vidit inquam. 1. ad Timoth. 6. Lucem habitat inaccessibilem, quem nullus hominum vidit; sed nec videre potest. Respondeo, in his, & similibus locis plane esse sermonem, aut de visione corporali oculorum; aut si de intellectuali, de comparata, seu comparanda à creaturâ vel foliis naturæ viribus, vel in hac mortali vita; aut etiam nonnunquam fortassis de visione comprehensuâ Dei: non de visione beatifica, quam sèpè alijs in locis, clarissimeque adstruit Scriptura. Illud vero, quod etiam solet opponi ex 1. Petri 1. *In quem desiderante Angeli pro-*

prospicere: non denotat, Angelos beatos de facto non prospicere Deum; quia eiusmodi eorum desiderium, ut ait S. Th. I. p. q. 58. art. I. ad 2. non excludit rem desideratam; sed eius fastidium, iuxta illud Eccl. 24. Qui edunt me, ahdus esurient; & qui bibunt me, ahdus sient.

¹³ Secundò obiciuntur multi Patres, qui aper-
tè videntur negare, visionem claram Dei possibi-
lem esse creaturis. Potissimè omnium Chrysostomus,
qui, ut declinaret extremum errorem Anomorum dicentium, se proprià virtute posse, &
de facto comprehendere Deum, dissertis verbis per
extremum oppositum alteri errori Armenorum
videtur sepè suffragari Homil. 14. in Ioan. &c
quinq[ue] alijs homilijs, quas tom. 5. habet contra
Anomos de incomprehensibili Dei natura.
Chrysostomum sequunt sunt Eutymius, & Theophilactus in illud Ioan. I. Deum nemo vidit unquam. Theodorus in dialogo, cui titulus est, Immutabilis, post fol. 3. Quibus etiam censemur videntur ex græcis Patribus Basil. lib. I. contra Eunomium post medium, Epiphanius heresi 70. Cyril. Alex. lib. I. in Ioan. cap. 22. & Ierosol. catechesi 6. Nyfens. lib. de Beatitudinibus explicans illud Matth. 5. Beati mundo corde &c. Ex latinis autem Hieron. in cap. 1. Isai. ad illa verba, Audite verbum Domini, &c. Primafus in illud I. ad Corint. 13. Cognoscam, sicut & cognitus sum. Iudorius in cap. 41. Exod. & Ambros. in cap. I. Luc. explicans illud Ioan. I. Deum nemo vidit unquam.

P. Vazq. disp. illa 37. cap. 2. censet, hos Patres ab errore Armenorum vix posse defendi. Quod speciatim, refutatis interpretationibus, conatur probare de Chrysost. Theoph. & Theod. Sentit itaque, eos per ignorantiam inculpatam, ad dictum errorem accessibilem. Neque immittit, inquit Salas I. 2. tract. 2. disp. 4. fec. I. n. 5. quia mirum non est, Patres errasse in re nondum explorata suo tempore. P. etiam Mol. I. p. q. 12. art. I. disp. I. 5. Similia testimonia facetur, ibi videri multos ex græcis Patribus prædicto errori suffragari. Idem de aliquibus ex citatis censet P. Fernandez de Visionibus veteris testamenti Vis. 7. sec. I. n. 3. Idem de Theod. & Myfens. putat Herice disp. 36. citata cap. 3. n. 40.

¹⁴ Sed vero, ut recte Soar. lib. 3. de Attribi cap. 2. n. 18. Non est verisimile, tam apertum errorem, & Scriptura manifestè contrarium communis sensu tantorum Patrum receptum fuisse. Fuisse enim intolerabilis lapsus. Neque in eis innenuntur verba, que dictam piam expositionem non admittant. Nimirum, prædictos Patres loquitos esse aut de visione corporali, aut de spirituali solis natura viribus, vel in praesenti vita acquirendâ; aut certe de visione comprehensiua, quam adstruebant Anomæ, contra quos ipsi disputabant, quorumque errorem repellebant. Nec mirum, eos interdum ad extremum oppositum videri inclinati, quo magis viderentur distare ab errore, quem refutabant. Nam hoc apud Patres contra hæreticos disputatos mos satis frequens est; qui tamen iuxta subiectam materiam semper intelligendi sunt, ut eruditè varijs exemplis adductis probat noster Falol. I. p. q. 12. art. I. dub. 3. vbi, & dub. 4. singulatum, eorum relatis verbis, commemoratos Patres vindicat ab errore Armenorum. De quo etiam latè egit Herice supra. Et quidem cæteri ferè Scholastici cum S. Th. quorum plurimos ibidem citat Falolus, ynanimi consensu fatigunt piè prædictos Patres interpretari. Cum quibus ex noskris insuper sentiunt Valent. Arrub. Gran.

Tann. Began. Marat. ad eum art. Ruiz. disp. 6. de Scient. sec. 7. Salmer. tract. 31. in Ioan. verit. 6. Maldon. Ioan. I. n. 21. & alij communiter. Nec defunt, qui pugnanti P. Vazq. quod rigidè exposueri prædictos Patres: quem tamen ab aduersis aculeis defendunt Herice suprà, & Alarc. trac. I. disp. I. cap. I.

Tertiò à ratione sic obicitur. Deus, ut est in se, non minus, imo magis est in proportionatus intellectui creato in ordine ad intuitionem sui spiritualem, quam Angelus, aut sonus oculis in ordine ad visionem sui corporalem: quandoquidem plus Deus ab intellectu, quam Angelus ab oculis distat; cum illa distantia infinita sit; hec finita. Sed Angelus nullatenus oculis, ut est in se, videri potest. Ergo nec Deus intellectu. Non nulli plus quod laborant in concinanda solutio- ne huius argumenti, quasi ea, seclusa fide, eu- dens exhiberi possit; quod non est ita. Legatur Herice suprà cap. 5. Ego brevius me expedio.

Respondeo primò, cùm fide sanctum sit, posse intellectum creatum à Deo eleuatum clare intueri ipsum Deum, inde constare, virtutem obedientialem, seu inchoatam habere intellectum ad Deum videndum; quam secundè constat habere oculos ad videndum Angelum; atque ita maiorem esse proportionem intentionalem in ratione obiecti, & potentie inter Deum, & intellectum respectu ad visionem claram, quam inter oculos, & Angelum: quantumvis in ratio- ne entis plus distet physicè Deus ab intellectu, quam Angelus ab oculis.

Respondeo secundò, stando præcisè in ra-
tione naturali, hanc esse huius veritatis conte-
nturam probabilem. Quod intellectus ex una parte naturaliter Deum cognoscit cognitione ab-
stractiuâ; atque ita aliquo modo habet illum in-
tra spharam sui obiecti naturalis. Ex alia parte
modus cognoscendi intuituè non est ab ipso alienus; quandoquidem sensibilia obiecta per pro-
prias species; atque adeò per quoddam genus in-
tuitionis attingit. Vnde, quod Deum naturaliter intueri non possit, non tam ex totali de-
fectu, quam ex imbecillitate virtutis nasci videtur
habentis se respectu Dei instar virtutis oculorum
vespertilionis respectu Solis secundum compara-
tionem S. Th. I. p. q. 12. art. I. in corp. & Arist.
lib. 2. Met. text. I. Si ergo Deus auxilio supernatu-
rali huiusmodi virtutem eleuerit, atque corroboret,
ut potest, nil deerit, quominus intellectus
ipsum possit clare videre. At vero oculi corporei
cum nullo modo naturaliter attingant Angelum, non est, cur vel minimam virtutem, adhuc obe-
dientialem, sive inchoatam, ad eum clare videndu-
m dicantur habere. Et quāmis attingant colores; cùm modus cognoscendi iudicatiū ne-
cundè eis competat, non est, cur virtus vel in-
choata nihil ad quidquam prestantum potest à
Deo eleuari, ut infra suo loco ostendemus. Nec
per coniecturam similem licet inferre; intellectum
creatum posse eleuatum comprehendere
Deum; ut pote, qui Deum naturaliter cognoscit
aliquo modo, & alias modus cognoscendi com-
prehensione ipsi non est alienus circa alia obiecta.
Quoniam, ut ex dicendis postea constabit, com-
prehensione ex suo concepitu talem naturam habet,
qualem cognitioni creatæ nequit comparatione,

Dei

Dei conuenire; et si possit comparatione aliorum obiectorum. Visio vero non comprehensiva nihil habet ex suo conceptu, quod non queat in cognitione creatae etiam comparatione Dei reperiri.

19 Quartò obicitur, Deus ut clare visibilis est quid supernaturale, vt iam indicauimus, & infra ex professo trademus. Ergo intellectus creatus, qui adaequatè est quid naturale, nequit ab illo ut sic specificari. Specificaretur autem, si haberet potentiam adhuc inchoatam ad Deum clare videntem: quia omnis potentia à suo obiecto specificatur, ut constat. Quinimo huiusmodi potentia & esset naturalis; quia identificata adaequatè cum ente naturali: & non esset naturalis; quia ad actum supernaturalem. Quæ est clara contradictione. Respondeo, non esse inconveniens in eo, quod ens naturale à supernaturali specificetur extrinsecè; qualiter specificantur potentiae ab obiectis. Potentiam autem, sive virtutem inchoatam, quam intellectus creatus habet ad claram Dei visionem, et si revera sit quid naturale, ut potest quid indistinctum ab intellectu naturali, non tamen debere appellari potentiam naturalem, quia haec sonat potentiam, cui actus est conaturalis, ut potest naturaliter debitus; qualis non est visio Dei clara comparatione potentiae inchoatae, quam habet intellectus ad illam. De quo plura dicenda infra disp. 2. Pro quinta obiectione, quæ supererat, instituo universalitatis gratia questionem sequentem.

Q V A E S T I O II.

Vixum visio Dei clara, & uniuersim omnes actus, atque respectus creaturarum ad Deum eo ipso debeat euadere essentialiter infiniti, quod circa Deum essentialiter infinitum versantur, ab ipsoque specificantur.

20 Videlicet affirmandum propter illud argumentum calculatorium, quod sapè in variis materijs occurrat, molestum quidem, & (veror) non fatis haçtenus extircatum. Illud autem est huiusmodi. Actus specificatus ab obiecto eo perfectior est essentialiter, quod obiectum ipsum perfectius est. Constat enim, visionem intuituam de Angelo perfectiore esse visione intuituā de lapide. Ergo, quæ proportione se se excedunt obiecta quoad perfectionem, eadem se debent excedere actus ad taka obiecta terminati. Sed Deus infinitè excedit in perfectione cetera cuncta obiecta creata. Ergo actus habens pro obiecto Deum nequit non infinitè excedere actus aliorum obiectorum, & consequenter nequit non esse infinitus quoad perfectionem essentialiter. Procedit autem argumentum, ceteris paribus, ex parte aliorum actus prædicatorum, præter illud, quod ab obiecto præcise desumitur, ut ita efficiaciū procedat iuxta dicenda.

21 Et confirmari potest primò. Quia nequit non esse infinita perfectio illa, ad quam impossibile est peruenire per additiones determinatas in infinitum progrediendo. Sed talis est perfectio actus habentis pro obiecto Deum. Ergo est infinita. Maior, quæ est certa, declaratur. Nam

si ponamus quantitatem, ad eius equalē, aut maiorem repugnat Deum peruenire in æternū, progrediendo à quavis quantitate finita per quamlibet proportionem ascendentem à minori versus maiorem inæqualitatem, v.g. creando primum quantitatē viginti vlnarum: deinde quantitatē quadraginta vlnarum: postea octoginta: & sic duplicando sine fine; non potest non quantitas illa, qua positur, esse infinita: nam si finita esset, nequiret non tandem per progressionem dictam accedere Deus ad quantitatem, qua vel æqualis esset, vel maior, quam illa, ut est notum, manifestèque demonstratum supra disp. 13. de infinito. Stet ergo certum, perfectionem sed physicam, seu metaphysicam, ad quam accedere est impossibile per infinitam progressionem determinatarum additionum; non potest non esse infinitum: quæ erat maior syllogismi facti. Quod autem perfectione metaphysica actus habentis pro obiecto Deum huiusmodi sit, quæ erat minor, facile ostenditur. Suppono autem ex communi sententiâ, quam ego supra monstravi disp. citata, possibilem esse seriem infinitam, creaturarum sepe excedentium quoad perfectionem secundum quamvis proportionem excellitus finiti; ita ut producta quavis, possit Deus aliam producere duplæ, vel triplæ, vel quadruplicæ perfectionis, & ita deinceps sine fine. Ex quo sit, possibilem etiam esse seriem infinitam actuum tendentium in dictas creature, quorum qui tendit in primam, duplo sit minoris perfectio, præcisè ratione obiecti, ceteris undeque paribus, quam, qui tendit in secundam; & hic duplo minoris, quam, qui tendit in tertiam, & ita deinceps sine fine; quin sit possibile peruenire ad actum tam perfectum ratione obiecti, & consequenter absolutè, si cetera undeque sine paria, quam est actus tendens in Deum. Sicut impossibile est peruenire ad obiectum creaturam perfectum, quam Deus est. Actus ergo tendens in Deum non potest non esse quoad perfectionem infinitus; quandoquidem à quolibet tendente in creaturam ad illum interuallum est infinitum.

Secundò confirmari potest. Quia, sicut Deus non solum singulas creature, sed quamvis collectionem infinitam earum excedit in perfectione; ita actus tendens in Deum, non solum singulos actus tendentes in creature, quorum cetera paria sunt, sed quatinus collectionem infinitam eorum debet pariter in perfectione excedere iuxta dicta: siquidem, qua proportione se excedunt obiecta, eadem se debent excedere actus, ut supponitur. Sed quidquid exedit in perfectione multitudinem infinitam perfectorum, non potest non esse infinitum in perfectione; sicut, quod exedit in quantitate molis multitudinem infinitam quantorum, non potest non esse infinitum in tali quantitate. Igitur actus, tendens in Deum, nequit non esse infinitus in perfectione. Ex quibus omnibus conccluditur, visionem claram, & uniuersim omnem actum, atque respectum terminatum ad Deum, non posse non esse essentialiter infinitum. Aut creature essentialiter infinita aliunde est prorsus impossibilis. Igitur ram visio clara, quam alij actus, atque respectus tendentes in Deum prorsus sunt impossibilis. Quod est alienum à Theologia.

Solutio communis propositi argumenti, quam omnium fortasse explicatissime dedit Artibal 1.p. disp. 13. cap. 5. est, actum non crescere, iuxta